

河間府新志卷之二十

典文志

藝文下

元王槃河間總管題名記

自唐宋以來百司省寺外而分符之署若州縣有司並石刻題名以書姓氏識歲月先後而居官者之設施政事亦可考見焉其來已久不可廢也皇元平一海內重司牧之任以河間爲重寄其出鎮者皆尊位高秩而總管統兵民治之其權比古節度使來居此者又多素有功然自開國至今僅三十餘年而更調

去來已十四五非其任之者暫而遷移者速故耶夫
官遷速則政未及施而見績少是以漢二千石皆久
任久則施教浹而及民者多其姓名常稱於人苟若
是輩輩相繼雖不碑可也不然今日到官明日輒行
猶未知其所爲卽石刻之將誰傳焉況能不朽哉今
總管之僚吏以無題名恐後湮佚謀樹貞珉以續故
事請入於槃敢以意所見及者書之

元吳澂右衛親軍千戶武畧岳將軍墓碑

將軍諱元鎮姓岳氏古穆人涉獵書史氣渾厚志雅邁處家御衆有法父雫自國初仵仵効勞任景獻陵三州判官至北京錄事而終將軍應募從戎戎帥以其父克勤王事俾長百夫從攻江陵拔砦矢中股從攻樊城先登矢中頰從攻漢陽西墉從攻鄂州俱有功又於岳州湖口獲數十艘俘十餘人以獻中統以後從征李璫於濟南又有功至元五年充右衛總把天朝方有事於南方從攻淮安五河口十二年授忠翊校尉十三年又戰於淮安而勝帥府以功上江南

平軍使知其閑習軍務令督軍器局十五年佩銀符
陞忠武樞府調往上都率卒供土木役進長干夫二
十四年佩金虎符授武畧將軍宿衛十餘年六十八
致仕娶李氏男四長早逝次信次貞庶子順信以敦
武校尉百戶戍嶺北後讓職於弟貞貞在嶺北屯田
軍食饒裕還守信安西永清壁迄今二十餘年介國
子學生姚緩來言曰貞賴先人緒業從事兵間念吾
祖父盡瘁報國備著勞績恐久遂沉泯願勒文於石
庶其不朽敢以爲請予謂皇元自開國至於宋亡用
兵百有餘年以殺獲攻戰立功者多矣被堅執銳蹈

死弗顧名歸於主帥而能追念而父使其名之存孝
子也乃爲敘其事蹟將軍兄弟凡九安鎮喜文學朝
列大夫江淮權茶提舉崇鎮河間路檄充景州奧魯
鎮撫餘不仕銘曰天朝用兵虎視龍驤掛名尺籍半
化侯王將軍忠勇未大顯揚勒銘示後永世用章

元劉因題高允圖後

人之制行近於當理者多矣欲必其制行之初真見
義理之當然而斷然無一毫人欲之私者則未易知
也然考其平生則心術之微亦有不可得而掩者矣
如高允中情之直亮蓋其生質之本然其設心處事
必非善爲僥倖委曲之人也觀翟黑子有罪首實亦
以義理之當然爾而作史者遽繼之以庶或見原之
語則所謂首實者乃所以爲僥倖之資也至於史事
不欺則又以謂慙面翟黑子受教則死之所以爲是非
因義理之當然第以此爾此皆史臣不明義理而於

江陰縣志 卷之三
四
遣辭之際輕爲增損往往使人忠亮之心不灑然於
天地非止允一端而已讀史者亦不可不知也

元虞集李景山詩序

古之人以其涵煦和順之積而發於咏歌故其聲氣
明暢而溫柔淵靜而光澤至於世故不齊有放臣出
于斥婦囚奴之達其情於辭者蓋其變也所遇之不
幸者也而後之論者乃以爲和平之辭難義憂憤之
言易工是直以其感之速而激之深者爲言耳盍亦
觀於水夫安流無波演迤萬里其深長豈易窮也若
夫風濤驚奔瀧石險阻是特其遇物之極於變者而
曰水之奇觀必在於是豈觀水之術也哉余讀景山
之詩而有感於此矣景山蚤歲卽起家掌故樞府不

數年遂掌其幕方驟用而遽坐廢蓋五年而後宣慰
雲南三年而報使移病歸鄉里者又二年矣二十年
間爲詩凡數百篇而雲南諸作尤爲世所傳誦豈感
激於其變者然哉然余觀樞府所賦廼多於西山玉
泉之間其雲南之詩至自敘曰其辭或傳幸得托於
中州人士之末雖激昂之發察其意則能深省順處
無怨尤忿厲之氣其居鄉諸作放曠平易又若初未
始更憂樂之變者余因歷考其所遇而察其立言者
有以見其所存庶幾不謬於古之人矣而徒以雲南
之作知景山者特未盡窺景山者也景山於書無所

不讀而酷好老子於古之人無不學而獨慕白樂天
然則其能廓然以自廣脫然以自處者殆有由來也
景山年未甚高而道學方力後此而有作余將不能
窺之也景山姓李氏名京河間人鳩巢其自號故其
詩總題曰鳩巢漫藁云

卷之二十一

卷之二十一

卷之二十一

元曹元用董子祠堂記

漢中大夫董仲舒邃於春秋其學醇正有原武帝時
對策三篇切中時弊致武帝表章六經罷黜百家先
儒以爲其功不在孟子下兩相驕王動必由禮守正
不阿時公孫弘方以容說位宰相故終身不得復進
夫孔子歿旣久異端並興學者愈失其傳秦漢以來
知道者鮮惟董子能言正誼而不謀利明道而不計
功以仁義禮樂正心修身爲治國平天下之具論道
之大原及明於天性之說多得聖人之旨其言奧衍
弘深沛有餘味或者乃譏其見道未明竊以爲過矣

夫以游夏之言方諸孔子猶爲有疵況董子承秦滅
學之後而能造道如是詎易得哉使其游於孔門可
與十哲亞使居相位可興三代之治劉向以爲有王
佐之才管晏弗及也真知言哉按漢書董子廣川人
廣川屬漢冀州信都郡今景州修縣是也縣西南鄉
有廣川鎮其別墅曰董家里有祠在焉唐宋碑刻猶
存縣北門道右故有董子祠不知創於何時國朝大
德初縣人林士豪嘗加補葺天歷元年承務郎縣尹
呂君思誠視事始拜謁祠下顧瞻而嘆曰祠當通衢
湫隘若此非所以居董子也八月遷於縣治之東東

有崇臺三丈傑閣二層舊爲官僚游憩之所遂新其
敝仆定爲董子祠更其衣冠悉遵古制明年某月落
成聿脩祀事修舊無縣學呂君又築講堂祠下爲東
西兩齋命教諭劉澂權主董子祠事朔望先謁孔子
廟次則及焉又爲孔子像置之社學使民知所向慕
呂君字仲實平定州人由國子伴讀擢進士第補同
知遼州事以母憂去官終喪而有修之命清勤無私
臨事明決訟十年不絕者諄諭以理輒兩已之子愛
其民事集而民不擾咸畏威懷惠境內大治安陵道
士以久旱持盧師谷中蛇名小青者至郡僚羅拜以

禱君怒欲取而殺之道士泣請得免後數日乃雨其
不惑於邪如是余與乃父廉訪君昔聯仕憲臺今嘉
其有子而能官也故爲作董子祠堂記仍賦享神辭
以繼之其辭曰蓍之土平原撫撫爰有哲人兮道傳
千古道傳千古兮爲紀爲綱徽猷允塞兮嘉言孔彰
人旣佐我蓍兮篤生元哲不克取而師兮是曰自絕
層臺兮巍巍傑閣兮翬飛神靈兮有托祀事兮無違
想高風兮如在期進德兮逾勵繼自今兮毋忽毋怠

元大夫王欽禮碑

大河之北數罹兵革前代故族鮮有存者徵諸圖牒
遑遑亡佚不能以考見可勝嘆哉距任邱之東十里
曰叢土莊有故唐王氏之墓蓋太和中金紫光祿大
夫檢校鴻臚卿兼監察御史仲卿所藏也鴻臚之後
有諱喜者金末爲監軍隸職景州金亡復還任邱娶
柴氏生子二人長用次義娶張氏追封太原郡君公
治生以勤儉齊家以孝弟中剛外柔德量裕如也年
七十有五以延祐三年八月二十八日卒張氏生子
欽禮字子敬幼穎悟甫就學精敏過人及冠俶儻剛